

# UN POCO DI TUR COS

Jossy Mansur

E motto di pueblo Americano "Den Dios Nos ta confia" (In God we Trust), no a ser adopta como e slogan nacional te ña 1956.

\*\*\*

E barconan hancra den Canal di Inglatera a lanza un saludo di 20 canon ora cu noticia a llega cu e antes adversario mas grandi di Inglatera, Presidente George Washington, a muri na Merca.

\*\*\*

Alexander Graham Bell, e inventor di telefon y maestro di e sordonan, tabata a la vez un amente di velocidad. Na aña 1919 su boto hydrofoil a establece un record mundial di velocidad ariba awa, tempo cu Bell tabata tin 72 aña di edad, pasando 70 milla pa hora.

\*\*\*

Na aña 272, e prome forma di compas a ser usa na China.

\*\*\*

Joseph Whitney: "Bo ta proba bo inteligencia no door di facilidad pa siña, sino pa comprende loque bo ta siña".

\*\*\*

Un ardilla no por mira color. E ta mira solamente den blanco y preto. Cada parti di su campo di vision, sin embargo, ta perfectamente den focus. Ser humano por focus solamente straight su dilanti.

\*\*\*

Bo tabata sa cu olifantinan ta cubri cu cabey? Di leuw no por nota esey, pero di cerca por mira un capa di cabey cubriendo practicamente cada parti di e curpa di e olifanti.

\*\*\*

Washington Monumente ta sink; 6 pulgada (inch) cada aña.

\*\*\*

Na aña 1830 Tai Mahal a ser bendi cu un comerciante Britanico cu kier a hibe piedra pa piedra Inglatera, pa adorna un campo di mansionnan. Aunque maquinaria a ser hiba India pa haci e trabao, e proyecto no a bay door pasobra el a resulta demasiado costoso.

\*\*\*

Empire State Building a ser traha cu 60,000 ton di hero, 3 millon di pia cuadra di wire mesh, 70,000 yarda cubico di cement, 10 millon di bloki, y por acomoda 15,000 hende.

\*\*\*

E prome avion bula pa e rumannan Wright tabata yama "Bird of Prey". Su prome vuelo no tabata largo; el a keda solamente e tempo necesario pa navega 59 pia.

\*\*\*

Ultimo palabra di Lope de Vega na aña 1635: "Ah, lo mi entrega gustosamente tur e aplausonan cu mi a ricibi pa e tempo pa por haci un bon obra mas".

\*\*\*

Un bina di awa di China ta asina chiquito ora cu e nace cu e por ser casi teni den e palma di un man.

\*\*\*

Bo tabata sa cu 100 ballena ta ser mata pa piscadorman di ballena cada dia di aña.

\*\*\*

Si mundo bira completamente flat y e oceanonan distribui nan mes ariba e superficie di tera, e awa lo ta 2 milla hundo na cada punto.

\*\*\*

Durante mas di 186 dia pa aña esnan na Polo Norte no por mira sola.

\*\*\*

Diccionario di Magia Preto (Oculto): Hidroscopia. Divinacion lesando e golfnan crea pa piedranan cu ta ser tira den un lago.

\*\*\*

Te siglo 20, e dientenan di cacho tabata ser usa pa e nativonan di Solomon Island cc: ) placa.

## PRONTO IMIGRACION Y DOUANE LO WORDO ACOMODA DEN EDIFICIO BIEUW DI AEROPUERTO

ORANJESTAD(AAN)—

Despues cu e edificio nobo a keda construi, aparentemente e edificio bieuw di aeropuerto a pasa pa olvido. Na principio algun negoshi lo a muestra interes pa establece den e edificio mientras Aeroclub a bandona su acomodacion na Lago Heights pa bay e edificio bieuw di aeropuerto.

Mientras tempo tabata bay pasandom e edificio a deteriora, comoquiera

cu no tabata tin mantenimiento cu lo a costa Gobierno basta placa. Informantenan a bisa cu si aeropuerto a bira un compania anonimo, talvez awe cierto problemanan lo a wordo evita.

Awor lo mester bay haci cierto modificacionnan y asina lo ta existi e idea di bay haci e terminal bieuw un centro pa handle avionnan priva, loke ta encera cu no tin trafico entre e lugar di estaciona-

mento di e avionetanan y e terminal nobo.

E edificio lo mester wordo restora pa por acomoda douane y imigracion pa asina duna servicio na esnan cu ta bishita Aruba cu avioneta.

Mientras e asunto aki ta den estudio, e edificio nobo di aerocargo aparentemente ta hayando cliente. Asina American Airlines a acomoda su departamento di carga na e edificio.



Diasabra gerencia di Aruba Concorde a tuma despedida di Sr. Jimenez y su familia den ballroom di Concorde Hotel. Señor Jimenez for di December 1984, ta residencia na Miami, na unda e ta ocupando e puesto di Presidente di Concorde Hotels International na e oficina principal di e cadena hotelero aki. E tabata comptroller na Aruba Concorde durante varios aña.



**Completamente Diferente**

**REFRESQUERIA "OASIS"**

un escape den centro di Oranjestad, pa un refrescante drink y rico snack.  
HABRI for di 8.00 A.M. non-stop te 6.00 P.M.

**"OASIS" VIDEO CENTER**

cu un extenso surtido di bon pelicularnan riba cassette VHS y BETAMAX.  
HABRI for di 8.00 A.M. non-stop te 9.00 P.M.

**"OASIS" LUCKY CENTER**

caminda bo por busca y purba bo suerte di tur dia.  
HABRI for di 8.00 A.M. non-stop te 9.00 P.M.

**OASIS 3 in 1 - the place for everyone**